



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :

Tir Yimiyim

tiryimiyim@aolima

tir yimiyim

TAPAK 7

Lanka tiri essential services employee tem longkak aitba nokdang

2024 kum Congress-i aniba teloktepi sorkar akumtsu: Sanjay Raut



VOL. XIX NO. 23 (ADOK 23) DIMAPUR AMUNGNÜ (SUNDAY) MONGPUTENI (OCTOBER) 31, 2021

₹ 5.00

Housing & Urban Affairs maparen meyipa repringshi

Dimapur, October 30, 2021 (TYO): October 30, 2021 nü Nagaland nung Ministry of Housing and Urban Affairs ajanga inyakba maparen meyipa repringshiogo.

Iba senden nung Joint Secretary (C & NE), Pankaj Kumar aser Director (NER & MC), G. Ravinder na aden.

"Covid-19 wara ajanga department-i inyakba mapaten nung tetsükdaksü ajuru saka tang tenzüka inyakdar" ta Principal Secretary, Urban Affairs & Municipal

Affairs, Himato Zhimomi-i ashi.

Centre nungi ketdangsurtemi state semdangba ya kanga tongtipang aser iba ajanga department tejakleni aotsü, ta Zhimomi-isa ashi.

Senden nung state ketdangsurtemi mapa inyakba osangtem PowerPoint presentations ajanga sayu.

October 31 nü Joint Secretary (C & NE) aser Joint Secretary (C & NE) nati Wokha aser Doyang hydroelectric project semdangtsü.

7th Economic Census indang senden amen

Dimapur, October 30, 2021 (TYO): Nagaland nung 7th Economic Census indang provisional report repringshimsü atema October 30, 2021 nü senden ka menogo.

Sendenji Nagaland Chief Secretary aser State Level Co-ordination Committee (SLCC) on 7th Economic Census Chairman, J. Alam, IAS-i ayonga amen.

"7th Economic Census nung shishilembartem aser entrepreneur units ajak bendentsü. Iba nung household enterprises dena lir aser nodal department ji Ministry of Statistics and Programme Implementation (SPI) alitsü" ta Additional Director & HOD, Department of Economics & Statistics, Neidilhou Angami-i ashi.

Nagaland nung 7th Economic Census ya August 2019 nungi

indang senden amen tenzüka aser April 2021 nung tembang. ICT platform system yanglutsü aser Economic Census indang field work inyaksü atema Community Service Centres (CSC), e-Governance Service India Ltd., a platform of Ministry of Electronics & Information Technology shim, ta Neidilhou-isa ashi.

CSC-i district ajunga nung data bendentsü atema enumerators shim aser supervisors level ana shim. Mezüngbuba supervisor level ji CSC ajanga shim aser tanabuba supervisor level nung Economics & Statistics Department aser National Sample Survey Office, Ministry of SPI nungi ketdangsurtem liasü, ta paisa metedaksü.

Chief Secretary-isa SLCC on 7th Economic Census indang senden ka amentsü atema tanü metedaksü.

DG Rotary International District 3240-i Kohima semdang

Kohima, October 30, 2021 (TYO): October 29, 2021 nü Rotary International District 3240 indang District Governor Rtn. Dr. Mohan S Konwar-i Kohima semdanga liasü.

Iba mapang Dr. Konwar den pa kinungtsü Mino Konwar aser assistant governor Zone -IX District 3240 Ashok Kumar Agarwal na aru.

Hotel Japfü nung 1st Business Session nung jembidang Konwar-i Rotarians dang akokba tashi public tenzüksü ayongzük.

Paisa züngsemtem dang nübertem asoshi mapa tajung inyaksü aser loktiliba nung temelenshi adoktsü atema mapa tajung atonga inyaksü ayongzük.

Rotary International indang taküm omenji "Serve to change lives" lir ta Rotary Club Kohima

president Rtn. Kezhokhoto Savi-ia o jembidang ashi.

Loktiliba nung khuret asadanga kokteter aser temelenshi bener kaji 'change maker' lir, ta paisa ashi.

Rtn. Kevleno Solo nem Paul Harris Fellow agütsü aser Rotary Club Kohima nung Rupin Sharma, IPS honorary member ka ama züngok.

Rotary Club, Kohima-i October 22 nü Health Centre, Pflutsero aser Primary Health Centre, Khezakeno nem oxygen concentrators, oximeters, face masks aser sanitizers agütsü, ta Rtn. Dr. Ketoullehou Vizoi metedaksü.

Iba sentong nung Rtn. Pikato V. Jimomi-i District Governor tejak shiyua liasü aser Rtn. Dr. Rosemary Dzuvichu-i anküp tepela o jembidi.

Assam & Bengal nung Covid-19 kanga putetba atema tebilemstü abener

New Delhi, October 30, 2021 (Agencies): Assam aser West Bengal nung nisung aika dak Covid-19 putetba atema Centre sorkari Covid inyakyim beshitsü metedaksüogo.

October 26 nü Union health ministry nung Additional secretary, Arti Ahuja-i Assam aser West Bengal nung chief secretary tem dangi shidi ka züluogo.

October 25 tashi hopta pezü tsüngda state ana nung nisung aika dak Covid-19 aliba putetogo anungji Covid-19 inyakyim akangkanga beshitsü ta Arti Ahuja-i ashi.

Assam nung Barpeta aser

Kamrup Metro district tem nung Covid-19 kanga putetogo aser weekly positivity rate kanga aika lir ta additional secretary-i ashi.

West Bengal nunga Kolkata aser Howrah district ana nung COVID-19 kanga putetogo, ta laisa ashi.

Assam aser West Bengal nung Covid-19 puteter indag contact tracing mapa shitak inyaksüla aser containment zones meyipa repringshitsüla, ta Ahuja-isa metedaksü.

Additional secretary-isa state ana dang arishi kum 18 ser temapur nem vaccine 100% agütsü atema alizüng yur inyaksü ayongzük.

DALT lokti senden amen; Ketdangpur tasen shimogo



October 30, 2021 nü IMC Hall, Dimapur nung Dimapur Ao Lanur Telongjem (DALT) lokti senden nung adenerkem aser alakteta tejaoker Advisor Imnatiba Jamir noksa nung angur.

Dimapur, October 30, 2021 (TYO): Dimapur Ao Lanur Telongjem (DALT) indang 4 buba lokti senden October 30, 2021 nü IMC Hall, Dimapur nung menogo.

Iba senden nung alakteta tejaokerji Industries & Commerce, Labor & Employment, Skill Development & Entrepreneurship, Advisor Imnatiba Jamir liasü.

"Naga lima nung 'formal education' mezüng Ao lima nung tenzüka sülen sorkar mapa, arogoten aser yimten nung Aor yakbang sür arur," ta Imnatiba-i o jembidang ashi.

Sobaliba nung Aortemi kin balala tenük lapoktsü. Naga national movement nunga Aor-i shilem tulu agia arur. Nübur anitsüji tashi kija masü saka khuret angatetba nüngdaker. Naga nung kin kati kin ka den meimteptsü/jungteptsü mesayutet, anungji tanü tashi telongjem mali, ta paisa ashi.

"Nagaland State anguba mapang nungi nüburtemi sorkar mapa inyaksü ang jangra aru, saka tanü tensa melenogo. Asüng

asen Aor lanu putu tejakleni aoba nung DALT ya lenmang tajung sayur ka asütsüla" ta Imnatiba-isa ayongzük.

Aortemi 'global market' nung temolung agütsüla aser itemji asangsang nung inyaka aotsü atema bendang lima nung aliba Aotsür-Aor den shisa lemsateptsüla, ta paisa shisem.

Lokti senden mezüngbuba shilem nung DALT ketdangpurtem menden liasü aser Nukmen Baptist Arogo nung pastor Kilang-i sentong tenzüka sarasadem.

Senden nung DALT tir, Aotemsu Aier ajanga menden okila o jembidi, Ao Senso Telongjem Dimapur tir Meren Longchar aser DALT shisalen sayur R. Temsuwati nati tajungshi o jembidi liasü.

Sentong nung Sunep Lemtur ajanga Aor tia nung ajemdaker ken ka aten, DALT tatong tir Tia Longchar ajanga melepzüng o jembidi aser Rongpangmen Baptist Arogo nungi pastor K. Meren Jamir-i sarasadema sentong mezüngbuba shilem tembang aser lokti chiyongba mapang liasü.

2021-2024 kümsük atema Dimapur Ao Lanur Telongjem ketdangpurtem:

Tir : Tiatesu Longchar
Tatong tir : Imkongsungkum Aier
Tongti zülur : I. Mangyang Jamir
Repsem zülur : Matsungshiba Lkr
Senotsü zülur : Sashi Pongen
Senotsü zülur teyarir : Yanger
Osangtsüsang ketdangsur : Imti Jamir
Jela Jedong zülur : Limatesu Jamir
Kimen : Moakaba Aier

Shisalen tetuyurtem:

Wb. I. Anungba Sanglir
Wb. Imtiakum
Wb. Walter Longchar

COVID-19 Nagaland: 20 dak putet & 19 taneptsü angu

Kohima, October 30, 2021 (TYO): Honibarnü Nagaland nung nisung 20 dak COVID-19 aliba putet aser parnok züngsema nisung ajak agi 31,831 kumogo.

"Tanü Dimapur nung nisung 8, Mokokchung nung 5, Kohima nung 3, Kiphire nung 2 aser Phek o Wokha nung kaka dak COVID-19 aliba putet" ta Integrated Disease Surveillance Project atema State Nodal Officer, Dr Nyanthung Kikon-i ashi.

Tesüiba ghonda 24 tsüngda COVID-19 puteta alir nisung 19 taneptsü angu. Parnokji Dimapur nung 18 aser Kohima nung 1 lir, ta paisa ashi.

Nisung 31,831 rongnungi 29,864 taneptsü nguogo aser ibaji taneptsü angur 93.87% lir, ta Dr Kikon-isa ashi.

Tang nisung 222 anepaludar saka parnok rongnung nisung 176 dakbo shirangba yimya kecha mali, ta paisa ashi.

Hokolbarnü nisung 710,368 nem COVID-19 vaccine indang dose 11,99,869 agütsüogo, ta State Immunization Officer, Dr

Ritu Thurr-i metedaksü.

"Vaccine agirtemji frontline workers 60,961, healthcare workers 15,998, arishi kum 45 ser temapur 202,219 aser arishi kum 18 nungi 44 tsüngda alir 431,119 lir" ta paisa ashi.

"Vaccine agirtem rongnungi parnok 489,501-i dose anaprong agiogo. Parnokji frontline workers 47,982, healthcare workers 13,377, arishi kum 45 ser temapur 160,813 aser arishi kum 18 nungi 44 tsüngda alir 267,329 lir" ta Dr Thurr-isa metedaksü.

AYO aser ZVC-i Assam Rifles aitsür

Dimapur, October 30, 2021 (TYO): Angami Youth Organisation (AYO) aser Zhadima Village Council (ZVC) nati sangdong balala nung 1st Assam Rifles sepaitemi Roko Angami'er ki mita aoba khukhua aitsüba metedaksüogo.

Zhadima nung Roko Angami ya Angami kin nungi ajaki akhümtsübuba lennir ka lir. Pa ya ochishir ka aser ozüng sülen anidaker ka lir. Lanuwa asü dang nungi pai professional footballer ka ama international level nunga shilem agia aru aser iba sülen lokti balala nung shilem agia arur, ta AYO aser ZVA ajanga ashi.

Roko-i 2016-2019 kümsük nung

AYO indang Auditor General inyak aser tang Zhadima Village Development Board (VDB) Secretary, Northern Angami Youth Organisation (NAYO) President aser Nagaland Football Coaches' Association (NFCA) President inyaker, ta parnokisa ashi.

1st Assam Rifles sepaitemi Zhadima nung Roko Angami'er ki mita aodang pa kidang maliasü aser iba ajanga AR sepaitemi ayatsü aruba mesüra tai maketba senso ka dak tashiyim mapa inyaksü aruba kuli sayur, ta AYO-i ashi.

AR sepaitemi Roko'er ki mita aoba ajanga AR aser yimdaklirtem tsüngda tesentaktep mejungi

akumba dang masü saka yimjung meimertem tsüngda temolung melemtep adokdaksüogo, ta ZVC-isa sangdong nung shia lir.

1st Assam Rifles-i iba mapa inyakba ajanga tesüiba nung Indian armed forces-i tashiyim mapa inyakbatem bilemetdaksür. Iba inyakyim ajanga Naga nung aser Indian armed forces tsüngda temolung melemtep adokdaksüogo, anungji iba mapa inyakba sepaitem merenshitsü akhanger. Yamaji meinyakra AYO-i kechi junger ta bilemetdaksü aser iba tebilemstü khuretji 1st Assam Rifles-i abentsü, ta ketdangpurtemi metedaksüogo.

Kohima nung Clean India Campaign tembangogo



October 30, 2021 nü ADC Kohima, N. Bhavani Sri, IAS-i, Clean India campaign lapoktsüba noksa nung angur.

Dimapur, Mongputeni/October 30 (TYO): Clean India Campaign tembangba sentong October 30 nü Old MLA Junction, Kohima nung agiogo.

Alakteta jaoker ama sentong nung o jembiba mapang ADC Kohima, N. Bhavani Sri, IAS-i, Clean India campaign ya India nüjiso ngur küm 75 ajungba nungtem nung ayongzük, koba linük ajunga nung janatem bendena intoktsü atema nüburttem ayongdena

inyaksangshitsü nükjidong nung tenzük, ta ashi

Laisa, nüburttemi jana shidak bendena mintok tashi aser metsümeshidak kanga junga anepalu mesütet tashi merekmejua melitetsü, ta ashi. Lai, nüburttem dang merekmejua alitsüba osang prokshitsü aser yimti mereka ayutsü atema maneni inyaksü atema ayongzüka liasü.

Kasa mapang nung ADC lenisüba nungsa Clean India tenangzüktepba agi aser lai

merekmejuba sentong tenzükja liasü. NYKS, NSS aser Bharat Scout and Guides nungi volunteer temi iba sentong nung shilem agi aser parnoki MLA junction nungi Rhazu Point tashi merekmejua liasü.

Sentong nung lokti pelaa agizükba o State NSS Officer, Zeneikho-o-i jembiba aser Director in- Charge NYKS, John Makhabo-i tepela anküp o jembiba den sarasademer sentong tembang.

Kiphire DTF-i senden ka ayongzük

Kiphire, Mongputeni/October 30, 2021 (TYO): Honibarnü, Kiphire District Task Force on COVID-19-i DTF züngsemtem aser Health workers den senden ka ayonga agiogo. Deputy Commissioner & DTF chairman Kiphire, T.Wati Aier menden ser DPDB hall, Kiphire nung iba senden agia liasü, ta sangdong ajanga metetdaksü.

Iba senden nung teloki District nung Shisaliok rejutem (school) lapokshitsü atema olemtepogo, kong Sorkar ajanga teyuba Covid-19 temzüngtem nung anidaka class tem '50% attendance' nung tenzükshitsü asoshi züngsemtemi lemtet.

Shisaliok rejutem nung class tem taoba mapang ama timtem aser tenokdangba kecha mekai süsümedema agitsü aser Covid-19 tashidak prokba nokdangtsü atema tesayurtem aser non-teaching staff ajak Covid-19 vaccine ajem agitsü mesüra anogo 15 nung khen Covid-19 tendangba certificate sayutsü asoshi telok bangjemtep.

DC-i, Kiphire District telungtet nung shisaliok rejutem lapoktsü dak sendakba nung school ajak nung osang agütsütsü asoshi SDEO, Kiphire dang shiogo.

Shisaliok rejutem nung sorkar ajanga teyuba SOPs ajak nung anidaksü asoshi Kiphire

nung mapang shia District Administration-i shisaliok rejutem mita aotsü, ta DC Wati-isa metetdaksü.

Kasa senden nung, CMO Kiphire-i, District nung nüburttem tsüngda Covid-19 tendangba maparen kanga dang ajema lir aser benjungmung mapang tonga arur asünung ajaki akok tashi sorkar ajanga latetta aliba SOPs nung tashi anga anidaksü asoshi mepishiogo.

Pei sasa kümdangshia aser kaketshirtem iba wara nungi kümzüka ayutsü asoshi tangatetba tajung nung Covid-19 vaccine agiadoktsüla, ta CMO-i tesayurtem ajungshiogo, ta kasa sangdong nung shia lir.

Longleng nung PSA oxygen plant semzüktsüogo



Dimapur, Mongputeni/October 30 (TYO): Minister, Health & Family Welfare, S. Pangnyu Phom-i October 29 nü District Hospital Longleng nung PSA Oxygen Plant semzüktsüogo.

Plant takok ngua amenoktetba atema tepela lemsatetba den Phom-i, iba jenjang agiba ya tang atema dang masü saka tarutsü atema lir, ta ashi. Paisa, iba plant ya Longleng nungertem atema dang masü saka Nagaland nung aliba nüburttem ajak atema lir ta ashi. Minister-i ashiba agi, tashidak kechi agi tonger lidir liang, shiranger ajak temang junga anepalutsütsü nüngdaker.

Pai, Ato Kilonser nükjidongji nisung ajak nem medical facilities tajungtiba agütsütsü atema lir aser state tenüngdakba apir Government of India, Minister of

Health & Family Welfare-i tenüngdakba facility ajak agütsüdar, ta ashi.

Phom-i, Oxygen Plant nung maparen metembang alibatem engineers & technicians temi tembanga inyaksü aser power agi timtem agütsüba mapang amshitsü atema Disaster Management team-i unit trokprongla nem generator agütsüogo, ta ashi.

Maneni minister-i, vaccine agütsüba dak sendakba nung Dr. Meren aser külem tenzükertem, staff, CMO, Arogo tenzükertem aser tanga lenirtemi jenjang tapet agiba atema parnok dang kanga pelaba lemsatet. Paisa, vaccine magi aliba nüburttem vaccine takaratiba nung agitsü atema ajungshitsü asoshi Medical department dang mepeshi. Covid-19 den rara ano matem aser wave tasembuba atema

renemshiba mapang ka lir, ta pai ashi. Mezüngbuba aser tanabuba wave nung kanga meranga inyakba atema pai doctor, nurse, staff, NGO aser lokti tentet balala dang kanga pelaba lemsatet aser tasembuba wave agi kongshira, tali temerangba inyaksü parnok ayongzük.

Kasa mapang nung sentong nung ADC Longleng, D. Robin; lokti lenirtem, Pukyong Phom aser tir, PPC, M. Shami Angh nungeria o jembiba liasü. Iba sentong nung lokti pelaa agizükba o Medical Superintendent District Hospital Longleng, Dr. Kibangkumba-i jembiba aser CMO Longleng, Dr. Obangjungla-i tepela anüküpo jembiba liasü.

Oxygen Plant meshitetba sarasadem Executive Secretary PBCA Longleng, Tialemba Phom-i agia liasü.

Piles Cure Centre

H.Umar Chesam dang alakteta pelaba metetdaksür. Piles, Fistullah, Gastric, agi ni kangshia liasü aser Rectum nungi azü alu dang mapang talangka item timtem nungi junga taneptsü mangu. Ajisüaka, tang H. Umar Chesam contact no. 8416087414 / 6909717178 National awardee



H. Umar Chesam Address: Burma Camp 2nd Police point opp. tetuyuba nung anidaka surgery kecha magii (non-surgical) anepalur anogo ishika tsüngda ni taneptsü ngua liasü aser iba sülen tanü tashi kü temang nung timtem kecha mali.

Time: 9 AM - 5 PM

Yours sincerely - Lima (9856510293), Add: Purana Bazar, Dimapur

Kr. Oshyajem-i züluba 'Ineffable Muse' ta sür sangro kaket ka saya



Kr. Oshyajem Longkumer-i züluba sangro kaket 'Ineffable Muse' tesayur Bendangsenla-i Urban Hub Café nung sayatsüadang sangro zülur den lar kinunger aser sentong nung shilem agirtem noksa nung angur. Mokokchung, 30th October, 2021

Mokokchung, 30 Oct (TYO): Sangro zülur kongro Oshyajem Longkumer-i English oshi nung züluba 'Ineffable Muse - A poetry collection' ta sür sangro kaket ka 30th Oct, 2021 nü Fazl Ali College (FAC) nung English sayur Bendangsenla-i Urban Hub Café Mokokchung nung meraketa sayatsüogo.

Iba kaket nung sangro 85 lir aser item sangrotejji tapu pezüsü küma lemsar angutsü. Mezüngbuba telemsaji - Lockdown Love Series (sangro 31), tanabuba telemsa - Lockdown Phase 1, 2020 (sangro 21), tasembubaji - Life's Encounter (sangro 23) aser pezübubaji - Nature Inspiration (sangro 10) keta angutsü. Sangro teimbaka Covid-19 wara mapang zülutemba lir.

Iba sentong nung sangro kaket zülur kinunger nungi Nagaland Housing & Mechanical (PWD) Minister, Tongpang

Ozükümia mapang tatsüka agia tepela o den ano tarutsü nunga sempet maneni amshia zülutsü ajungshia liasü.

Mokokchung nung alir English temeja nung sangro züluba kaket küma adokbajibo ibai mezüng asütsü, ta osang ajanga angazüker. Iba kaket ya amazon nungi mangatetsü (order sütetsü) aser Nagaland nung tongtibang kaket ayokdak senpak 299/- agi talitsü angutsü. Ineffable Muse kaket ya Blue Hill Publications-i menüngtsü.

Ungma tsür Kr. Oshyajem Longkumer ya tesayur ka aser la ya Assam Don Bosco University nung research scholar ka lir. Lai sangro azüngtsü aser zülutsü kanga jangrar. Iba kaket ya sangro zülur tsürabur nungtem nung züluba ka lir. La indang tali m e t e t n ü r t e m i Insta@oshy.longkumer.poetry ajanga reprangtetsü.

Nisung tepsetba atema nisung ka taküm tepeyong tepuokdaki yok

Dimapur, Mongputeni/October 30 (TYO): District & Sessions Court Wokha-i October 22 nü U/S 302 IPC nung aija alir ka tepuokdaki yokogo. Ken o ya October 25 nü tembanga angadang aser aija alisang ya taküm tepeyong tepupokdak ayutsü oebandang agütsü aser senchi sen 1000 achi.

2017 küm July 17 nü Bhandari Police Station kübok New Lio-Wokha nung Primary School kima nisung ka sür lia ngutet aser mapang tatsüka lir asüsang ya Enibemo Ezung ta jangjaa aküm. Iba dak sendakba nung Bhandari P.S nung ken o ka benok aser ken o bushisüngdangba sülen

Lirhonthung Murry aser Lolanbeni Murry na apu.

Ken o maneni kanga junga bushisüngdangba sülen Investigation Officer Shri James Jami NPS-i (ken o benokba mapang SDPO Bhandari) Lirhonthung Murry anema charge sheet ka benok. Obendangba mapang okadaki Prosecution Witnesses teku tashi asadangogo.

Obendang agütsüba mapang trial Court-i, iba tatalokba dak sendakba nung tenük kuli shingia magütsü, saka tatalokba ajak ajanga asüsang ya aija alisang yagisa tepset ta jangjaa akümba ngutetogo, ta ashi.



Dhubri Sector HQ nung Border Security Force (BSF)-i Wildlife Crime Control Bureau (WCCB) den yaritepa wildlife crime indang workshop agidang tangokba noksa angur. Iba sentong nung 41 Bn, 19 Bn, 6 Bn, 31 Bn aser BSF indang SHQ nungi staff 30 shi aden.

Manipur Human Rights Commission-i Abonmei tepsetba bushisüngdangtsü

Guwahati, October 30, 2021 (Agencies): Manipur nung social worker Athaun Abonmei tepsetba atema Manipur Human Rights Commission (MHRC)-i bushisüngdang asütsü. Abonmei ya September 22 aonung Tamenglong district nung Nagaland telungpurtemi pur oa tepset ta temolung malemer.

Tripura HC-i state sorkar dang osang agütsütsü metetdaksür

Agartala, October 30, 2021 (Agencies): Tripura High Court-i Chief Minister Biplab Kumar Deb sorkar dang state nung nübo agi memenepertem amakba aser mosque raksatsüba atema inyakba osang meshiogo. Chief Justice Indrajit Mahanty aser Justice Subhashish Talapatra na adenba division bench-i iba ken o angadanger. November 10 tashi nung sorkari North Tripura district nung ozüing alema mapa inyakba indang osang agüjang

Mizoram nung Rs 56.16 lakh alang kozüjang apu



Aizawl, October 30, 2021 (Agencies): Champhai district kübok Tlamsam nung Assam Rifles sepaitemi Rs 56.16 lakh alang kozüjang puogo. "Osang tejangja ka angazükba nung ajemdaker 8 Assam Rifles, 2 Assam Rifles, 11 Assam Rifles aser Customs Department, Champhai külem telok kati kozüjang apu" ta HQ IGAR (East) sangdong ka nung ashi. Hokolbarnü Tlamsam nung mita aodang bosta 180 nung kozüjang bena aliba apu, ta HQ IGAR (East)-isa ashi. Kozüjang indang jenzangji Rs 56,16,000 shi asütsü, ta parnokisa ashi. Champhai nung Customs department ketdangsürtemi kozüjangji ayu aser iba dak sendakba nung nisung ka apu.

Meghalaya sorkari Punjabi Lane ali agiogo

Shillong, October 30, 2021 (Agencies): Meghalaya sorkari Hokolbarnü Punjabi Lane nung ali agiogo. Iba tesem nung ozüing alema alirtem tangaleni aniensü ta ketdangsürtemi ashi. Nangzüktepba ama ali kibur nem Rs 2 crore agütsüba sülen state sorkari 12,444.13 square metre land agiogo. March 31 nü "Syiem of Hima Myllem" aser Shillong Municipal Board tsüngda lease deed ka nung sign süogo, ta Deputy Chief Minister Prestone Tynsong-i ashi. Sorkari tentetba high-level committee (HLC) kati ita ka tejakdang Punjabi Lane nung ozüing alema alirtem aniensü maparen inyaktsü indang report Chief Minister Conrad K Sangma aser sorkar nem agütsüba sülen iba mapa inyakogo. Shillong kübok Iew Duh area nung Punjabi Lane nung Punjab nungi arurtem alir. Küm 200 tejakdang parnok ya British nungeri Shillong nung merükmeju mapa inyaktsü atema anir aruba liasü.

Assam H.S School nung kaketshir 22 dak COVID-19 putet



Mangaldoi, October 30, 2021 (Agencies): Mangaldoi nung nija higher secondary school ka nung kaketshir 22 dak Covid-19 putetba sülen Darrang district administration-i anogo tenetnü atema school shibangtsüogo. Jnan Vikas Academy nung first aser second-year higher secondary class nungi kaketshirtem dak COVID-19 putet. Hokolbarnü Assam nung nisung 278 dak Covid-19 putet aser parnok züngsema nisung ajak agi 6,10,150 kümogo. Kamrup Metro district nung nisung ana aser Nalbari nung ka asüba züngsema tasür ajak agi 5,992 kümogo. Tang tashi nung Assam nung nisung 2,79,96,544 nem COVID-19 vaccines agütsüogo aser parnok rongnungi nisung 78,96,412-i dose anaprong agiogo.

HDFC BANK **HDFC BANK LIMITED**
Registered Office, HDFC Bank House, Senapathi Bapat Marg, Lower Parel, Mumbai 400013

u/s. 13(2) of Securitisation & Reconstruction of Financial Assets and Enforcement of Security Interest Act, 2002 (SARFAESI Act) indang Demand Notice.

Borrowers		Guarantors:-	
1. M/s SPACE M Near Plaza Point, Church Road, P.O- Dimapur, District- Dimapur, Nagaland - 797 112		1. Mr. ISAK YEPHTO C/o - Space M, Near Plaza Point, Church Road, P.O/ P.S - Dimapur, District- Dimapur, Nagaland- 797 112	
2. Mr. ZHENITO KASHETO YEPHTO S/o- K.C. Zhenito Yephthomi, House No.- 402, Diphupar "A", 4th Mile, Dimapur, Nagaland - 797 112			
Also At- Space M, Near Plaza Point, Church Road, P.O- Dimapur, District- Dimapur, Nagaland - 797 112			

SARFAESI Act nung HDFC Bank Ltd. u/s. 13(2) indang Authorised officer ajanga 17.08.2021 nü Speed Post A/D./Registered Post ajanga envelope nung osang yokba atema mapa timi meinyak.

24.09.2021 tashi nung Sen Agütsütsü aliba osang:

Sr. No.	Nature of credit facility.	Limit Sanctioned	Principal Outstanding (Rs.)	Amount (in Rs.) outstanding as on NPA dated 24.09.21
1	Cash Credit	3,00,00,000/-	2,95,58,500.00	3,13,66,974.00p
	TOTAL	3,00,00,000/-	2,95,58,500.00	3,13,66,974.00p

Security Interest (Enforcement) Rules, 2002 nung Rule 3 ajanga nü nem osang agütsür. Nai sen apuba meyipa magütsür aser nü indang M/s. Space M indang account tem 26.03.2021 nü "Non Performing Asset" (NPA) ta sangdongogo, iba ya Reserve Bank of India guidelines nung ajemdaker inyak aser 24.09.2021 tashi nung nai sen agütsütsü aliba Rs. 3,13,66,974.00p (Rupees Three crores Thirteen Lakhs Sixty-Six Thousand Nine Hundred Seventy- Four Only) den contractual rate and other costs, charges, incidental expenses dena sen tetemlok agütsütsü metetdaksür. Ibaji meinyakra HDFC Bank Ltd. ajanga tsünglanglen agüja aliba secured (mortgaged/hypothecated) assets agütsü aser iba ya Act nung u/s.13(4) ajanga tashi agütsür. SARFAESI ACT indang u/s.13 (13) ajanga nai HDFC Bank Ltd. nungi temelaba magii asset meyokdoktsü, lease mesüra tanga inyakyim kecha meinyaktsü.

Secured Assets indang temetetsü:
Mr. Z. Kasheto Yeptomi tenüng nung sub registrar office of Dimapur, Nagaland nung zülüoka aliba 2 Kathas nung ali aser kiojen, den G+6 storied RCC Building constructed thereon, covered by Dag No.- 1287/ 1827, Patta No. - 1249, Purana Bazar in the Dimapur Town, near Phansari Bridge, District - Dimapur, Nagaland.

For HDFC Bank Ltd.
Sd/-
Authorised Officer
Department for Special Operation
A.P.Towers, 3rd Floor, Rukminigaon
Branch, G.S Road,
Guwahati, - 781 022

Date: 27.09.2021
Place: Guwahati



TIR YIMYIM

YIMOBILEM (EDITORIAL)

DIMAPUR AMUNGNÜ, MONGPUTENI(OCTOBER) 31, 2021

Sannükeri tashi itshidaktsür

Asenoki angatetsü atema tanüla tsütsü Tsüngrem o asenok na ya Sannüker o santem na den medemdanga jembiba Laishiba nung asenoki angur. Aji oda, Tsüngremji sannüker aser asenok ya Par santem lir. Iba jagi David-ia " Kibuba kü sannüker," ta Tenüngsang Ken 23 nung ashiba asenoki angur. Jangratemtsükaji ,kasa tapu nungsa tekong asem nung, " Pai kü nüla shia arudaktsür; Pai ni Pa nung atema shitakba lenmangtem nung anir," ta shia angur. Asenok anüksang sannükeri asen shi nung aser tanüla nung lulaba meteta lir. Aji oda, Pai asenok Pai anilen shitakba lenmang jagi aotsü merangaka aibelena aotsübjaja Pai meteta lir. Pai asenok shi nung aser tanüla nung anisüngzük nungdakbjaja meteta dang lir. Atangji, khenkhenbo sannükeri agütsüba chiyongtsütem chiajema pelateptsüba nungdakbjaja Pai meteta lir. Atangji, Tsüngremi aibenbo asenok talubosa akatsüsa memoatsütsüa akok. Ajisüaka, Pai tang na kechi nungdaker aji meteta lir, anungji nü nungdak yari Pai moatsütsü. Na tamanger tajung ka asünungji, anogo shi nai sannükeri ashibalen aotsü meranger, ajisüaka na meketa tatidang aser tenükshitsü aika alinungji, item nungji ranglokak aiben nü nüla tezü atanger aser tashi mait akümer. Aiben tangari na atalar aser aiben tangar khuret abendang nüsasa na ania akümer. Aji oda, alima nung Tsüngrem dak indangindanga amanga alitsüba ya tasak, anungji Tsüngremi mulungba ama alitsü merangdang aiben takoksa ajurur aser tezüdangadoker. Iba ama mapang nung, sannükeri ashiba angaa aotsübo joko makoktsü ta asenoki bilemer aser atsüngzüka aoer. Asen taküm nung iba ama tamakok, takoksa aser tezüdang ajuruba mapang ajakji sannükeri meteta ataloker. Anungji, pai asen tashi ishidadaktsütsü aser lular aliba shia arudaktsütsübjaji pai meteta lir. Ibayongji, David chubaia pa taküm nung timtem lendong aika ajangshia arur külen, tatemsa pa timtem tejashi ajak amatsüsa terajem shisatsü ka arubaji, ' Kibuba Tsüngremji kü sannüker, ni kechaia manüngtsü... Au, ni tasü akhüm ayong ajanga jajaaka, ne kecha lendong metsübuttsü; kechiyong na kü den lir, nü mechi aser ajok agi ni sünepdaktsür," ta sarasadema atenba ken ka Tenüngsang Ken 23 nungsa angur. Aji, tesüngmangtsü tesünep aser jangratemtsü o lir. Asenok taküm ya David den medemdangra, asenokbo alima nung sor David-i ajuruba ama asen taküm nung lendong timtem aser tetsübuttsü tensa tia majurudangba purtem lir. Ashiko, iba jagi taküm nung lendong timtem ajurudang aser tesempar aser tsükchirtemi arishidang shibai kumzüker aser shiba dak jenoker, aji asenoki memeteti, senotsü dang peria lira ojang ta bilema, zübazübaa bilema alitsüa akok. Ajisüaka, kodang lendong timtem mapang ka ajurudir, idangjibo asen sannükeri kumzütsüba dak alaka, san dak aketba tashi agibo kecha mesütettsü. Tanü na shisabolua ali asü ? Nü tanüla animesüngzükteti shisabolur asü ? Nai joko nü taküm ya akhi ama shia marutsü ama bilema tsübur asü ? Nai nabo temeimer, anepalur aser tanüker shinga mali amai bilema samatsü asoshi dang bilemer asü ? David-ibo ashir, Kibuba Tsüngremji asen sannüker, ni tasüba agi tsübudakja amokmerenaka, ni kecha metsübur, kechiaser Pa kü den lir. Iba kibuba aser iba sannükerji asen Kibuba Yisu Khrista lir, Pai asenok anüker aser anepalur. Asenok shi nung tatidang makokba agi tanüla nung lulaa akümdang, asensasa asenok tashi itshitsü makoker, saka Paiang asenok shia arudakja tashi itshidaktsütsü. Iba jagi Isaia 40 nung ashir, " Telular nem Pai ain agütsür aser tashi itshidaktsür. Asangurtema lulatsü aser ania alitsü aser parnok jungjunga laotsü, saka shirnoki Kibuba dang ataa alir, parnok tashi tasen angutsü, mongzütem ama tashikang agi parnok temaleni atutsü, parnok asemtsü saka manitsü, parnok jajatsü saka melulatsü. Pei taküm aser kibong nung teimla samar alidang, asenok tanüla nung aniseter azülaa orr, joko sarasadema mesünüi temulung mepelatet shisabolu agi sünger alidang, asenokbo Tenüngsang ken 23 aser Isaia 40 nung shia aliba teimla aser tashi ya Kibuba asen sannüker nungi angutsü imlaa atadi. Laishibai ashir, shibai Kibuba asoshi atar, pabo tashi tasen angutsü aser kodanga aibelen mesüdang, kodanga tamakok nung melaodang aser kodanga aniseta maküm amato tanaben tashi tasen nung shia artsü aser temaleni atutsü. Koda jangratemtsü !

OLEMSABANG

OCHI NUNG NOKTAKBA LENIR

Baptist Pastor Martin Luther King Jr taküm nungi tangazüktsü

- Sashikümla Longkumer

We need leaders not in love with money but in love with justice.
Not in love with publicity but in love with humanity.
(Sen meimer masü ochi meimer lenir nungdak.
Pei teyaksang sayuba masü nübur meimer lenir nungdak)

- Martin Luther King Jr

America nunger lokti taküm temelenshi adoktaktsüba nung Baptist Pastor Martin Luther King Jr (MLK) ya lenir tulutiba rongnung ka ta agizüka, pa nem akhüm agüja American lima ajunga nung 2018 küm nungi 4th April, koba anogo pa temesüng shilu (white racist) phukümer-i tepset, iba anogo National Holiday US amonger. Iba den Baptist tamanger teloki sendong balala yanglua nübur tsüngda telemsa adoktsüba ochimashi maparen entoktsü tayokzükba agutsür.

MLK-i tanak aser temesüng shilu ana tebandang khenmechitepi ayuba aser iba dak sentakba ochimashi temzüng, inyakyim ya Lai tesayuba masü, Khristan telok rongnung malitsüla, aser arogo inyakyim yanglushitsüla aser tesayuba melenshitsüla ta nüburtem ajongmeso aser tanak nisung temesüng nunger alar talenba nungi nüchiso angu. MLK-i azü metenla nungbo tanü tanak nisung koba jenjang nung lila ta bilemer. MLK nungi Naga yimden yanglushitsü tangazüktsü aika lir aser tongmelang olen ka lemsateper.

Martin Luther King Jr taküm

Dr. Martin Luther King Jr Atlanta, Georgia nung January 15, 1929 küm aso. Pa pastor chir ka liasü. Tetsü-tebou nungi Tsüngrem tenzükba kibong nungi. Tebou Ebenezer Baptist Church, Atlanta nung Pastor küm aika inyak. MLK tepsetdang kasa arogo nung tebua copastor inyaka liasü. Pa tanak nübur asoshi lapokba school nung High school aser BA tashi azüng aser Tsüngrem tenzüktsü asoshi Crozer Theological Seminary, Pennsylvania nung join asü aser 1951 küm BD renem. Iba sülen Boston University nung 1955 küm doctorate renemer külen Dexter Avenue Baptist Church, Montgomery, Alabama nung pastor inyak. Yisu Khrista tanela aser shi taküm anaprongla nüchiba agütsütsü atema alimai aru ta akang akanga ammet, aser shilu kati ka alenpanga tajemrepba jenjang nung ayubaji tai ta angateta pai tanak nübur temeten atema noktak.

MLK nüburtem tasü tait aser ochishir lenir ka ta meteta akümbaji "bus boycott" movement ajanga meteta aküm. Bus nung tanak aser temesüng nunger na meyoktepa külemi mamentsü ozüng liasü. Iba ozüng memelenshi tashi bus nung mamentsü ta MLK-i anir 1955 nungi tenzüka anogo 382 tashi "bus boycott" longkak aitba December 21, 1956 nung anen. Supreme Court-i bus, train aser public places (park, restaurant, etc) nung tanak aser temesüng shilu memeyokteptsü ta aliba ozüngji tai aser melenshi. Tasü meti kumdaktsütsü atema longkak aitba mapang MLK aiben jail nung ayu, azük aser pa südaktsütsü atema par kidang bomb pokloktsü. Künü pa temesüng nungeri tepsettsü ta metet, saka iba jagi kodanga pai tasü maiti mali liasü. 1957 küm pa Southern Christian Leadership Conference nung mendenbuba shim aser iba telok ajanga tanak shilu anema ochimashi mapa anema azü metokshi longkak aita raratsü lemtet. 1957 nungi 1968 küm tsüngda MLK-i mile million trok tashi jaja aser 25,000 ben tashi tanak temeten indang telok balala nung jembiba. America lima koba state, jaka nungsa tanak nisung anema meketmeseni amshir, merenshir aser sensamasaja benshir ta angashi, item tesem jagi oa longkak aita ochi akhang. Nüburtem ayongtena ochi ola adoktsü ajongmeso. Yamaji mazüngi liakasa, pai iba mapang nungji kaket pongu tashi zülu aser ocet aika zülu. Yamaji tasü itta azü metokshi tanak nisung temesüng nunger talenba alar nungi nüchiso atema noktakba, raraba atema pa küm 35 tain asüdang Noble Prize agütsü. Alima nung tanubuti Noble prize angusangji pa liasü. Noble prize \$54,123 angu ajakji pai nüburtem nüchi aser ochi tongpang raraba nung amshitsü tenla agütsü. Yamaji America lima nung temelenshi tulutiba adokdaktsübjaji Baptist Pastor MLK ajanga ta tanü tashi züngshir.

Temesüng nunger tangatetba aser inyakyim anema MLK-i noktakba

Temesüng shilui parnok jenjang ya balaka ajongketa Tsüngremi ajak dang temaba yanglu ta sayu. Tanak shilu ya tekolok tajemba aser shitakba Tsüngrem mesükba nung meyangu. Sentsü tanak ya Tsüngrem atakatem temaitsü. Ham nungi jakzükatem aser alar asütsü yanglubatem ta sayu. Yongji sentsü tanak ya shiruru dang nungi tera dang jenjang tuluba ta angatet. Iba tangatetba dak ajemdaker tanak aser temesüng bendanga ayutsüla (racial segregation) ta sayu aser inyak, koba ajanga tanak shilu timtem touchi aika ajuru.

1441 küm nungi tenzüka, Portuguese nungeri sentsü tanak nübur shishilembaba ya tenzük. African nungi tanak nisung merijang aika pur oa America aser Europe nung alar asütsü ayok. Kibur shirnok ket nung alar aika liasü parnokji takar ta züngshi. Kechiaser tanak nisungji meimchir ama masü, oset-tsüset ka amai dang bilem. Temesüng nunger Baptist pastortemia dena, alar yua liasü. Nisung karbo alar 300 tema liasü ta otsü nung azünger. Tashiyim agi tanak nübur nem gari, rail lenmang, ki, apu, shini lu (sugar plantations), kumpa lu (cotton), moko lu (tobacco), süngo lu (tea), chi lu (rice), shiruru metsüba ano aika taah teperi magütsüi tashiyim agi inyakdaktsü. Iba amaji tashi mapa ajanga temesüng nunger aika takar aküm. Tanak nisung tekolok tajemba ta angatetba, tanak nisung school nung azüngtsü memela, bus, train, school, tekülem ki nung temesüng nunger den külemi meyoktepa amentsü, azüngtsü memela, külemi langpang ka nung mener chiyungtsü ta asübjaji pungmang liasü. Kiyong ka nung külemi meyoktepa alitsü memela.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

PM Modi-i Pope Francis dang India semdangtsü asüngdang



October 30, 2021 nü Vatican nung India Ato kilonser, Narendra Modi-i Pope Francis ajurudang tangokba noksa nung angur. Tena minute 20 shi senden amentsü sentong liasü, saka ghonda ka jungnua senden amen.

Vatican, October 30 (Agencies): October 30, 2021 nü Vatican nung India Ato kilonser, Narendra Modi-i Pope Francis ajuruba sülen tena ghonda ka jungnua senden amen.

Hindu nungerr nütsüng timba aliba India linük nung Arogoi Pope Francis jaoktsü atema sorkar dang aiben mepishia aruogo, aser tang tesüsa Modi-i Pope Francis India-i jaoker.

Rome nung G20 senden aliba mapang Modi-i Vatican semdanga Pope Francis den jurila senden amen.

Tena senden amenba sülen Narendra Modi-i twitter ajanga, "Pope Francis den senden junga menogo. Ni pa den onük aika nung o lemteptsüsa maongka angu, aser pa dang India semdangtsü asüngdanga jaokogo," ta metetdaksü.

Arrshi küm 84, Pope Francis-i pai India semdangner, ta tamalen aiben jembia aruogo. Küm aika tejaklen Pope kati India semdangtsü atema Vatican-i sentong yanglua liasü, saka mesemdangtet.

Senden tembangba sülen Francis-i Modi teka nung amer pa dang menürema, "Nai semdangba atema nü dang kanga pelar. Ni kanga pelar, ni kanga pelar," ta ashi.

Ibaji langzua Modi-ia, "Ni na

India nung ajuruner," ta ashi. Pope Francis ya alima nung Catholic Khristan nütsüng billion 1.3 madak tongti lenir, aser pai alima nung nütsüng timba aliba tanabuba linük- India semdangba mapang nung religious freedom atema jembitsü imlar.

Activist temi ashiba agi, 2014 küm Hindu nationalist party-BJP leniba nung Centre nung sorkar akümba sülen India nung Khristan aser Muslim nunger densema minority tem anema inyakba kanga bulua kümogo.

India nunger nütsüng shilem 14 shi Muslim nunger lir aser nütsüng shilem 2 shi Khristantem lir, aser tesüiba küm ishika tsüngda yimsü ana amangertem anema inyakba kanga bulua kümogo.

Pope kati tetsüsa India semdangbaji 1999 küm Pope John Paul II-i semdangba liasü.

October 30 nü mezüng Pope Francis aser Modi na senden amener.

Prime minister's office nungi ketdangser kati, tena minute 20 shi senden amentsü sentong liasü saka ghonda ka jungnua senden menogo, ta metetdaksü.

Vatican-i sangdong ka ajanga, senden nungji lenir anati Holy See aser India na tsüngda tesendaktep atema-a

jembio, ta metetdaksü.

PMO sangdong ajanga, lenir anati climate change tebilemtsü aser sensak tia agentsü atema jembio, saka religious freedom atemabo mejembio, ta metetdaksü.

India nung Arogo lenirtemi Pope Francis jaoktsü atema aiben mepishiogo saka sorkari magizüki arur. Taküm February ita nunga Mumbai nung Cardinal Oswald Gracias den Cardinal Alencherry aser Cardinal Baselios Cleemis nungeri Modi dang Pope jaoktsü atema mepishia liasü.

India nung Khristantemi kangshia Hindu nungertem Khristan yimsü dangi meyipdaksür, ta tai tonglokja taküm India nung Khristantem anema inyakba tatalokba 300 dak tema lir, ta tan ita melungtet telok kati metetdaksü.

Tawa BJP-i yimsüsüba state asem nung yimsü meyipba nokdangtsü atema anti-conversion ozüng benokogo, aser maneni Karnataka densema state karia iba ozüng benoktsü tebilemba lir.

2020 küm US Commission on International Religious Freedom (USCIRF)-i India linük-a "country of particular concern" nung züngoktsü atema benoka liasü.

India nung Khristantem anema inyakba nokdangtsü PM dang mepishi

October 30, 2021: Madhya Pradesh nung tongti putiri Ato kilonser, Narendra Modi dang India nung Khristantem anema inyakba kanga bulua akümba ya nokdangtsüla, ta mepishiogo, ta International Christian Concern (ICC)-i metetdaksü.

October 26, 2021 nü Narendra Modi dangi züluba shidi nungji Bhopal nung tongti putir, Leo Cornelio-i linük nung Khristantem anema inyakba nokdangtsü atema mera takang agia inyakdaksüner, ta shia lir.

India nung Khristantem anema inyakba report tasen ka sangdongba sülen anogo pongu

shi lir Khristan leniri Modi dangi iba shidiji zülu.

Iba report nungji shia aliba agi, taküm küm tenzüker September ita tashi nung India linük nung Khristantem anema inyakba tatalokba 305 liasü. Taküm India nung state 28 nungi state 20 nungbo Khristantem anema inyakba tatalokbatem liasü, aser item tatalokbaji BJP-i yimsüsüba state tem nung timba liasü.

Tongti putir, Leo Cornelio-i züluba shidi nungji yamai shia lir, "Tawa nija aser telok balalai minority tem, talisa Khristantem anema tesempa mapa inyak

tenzükogo. Tesempa ya linük yangerba anema amokmeren tuluka lir."

Madhya Pradesh Catholic Arogo nung Public Relations Officer, Maria Stephen-i, "Tongti putir Cornelio-i India nung Khristantem anema inyakba nokdangtsü atema Ato kilonser office nem inyakdaksüner. Tangbo onok sarasadem sentong agiba-a Khristan yimsü dangi meyipdaksüba sentong agir ta onok nem tai tongloktsür, aser tiyazü nung ajemdaker tamangertem anema ken o benoker," ta metetdaksü.

ANOGO ABEN TSÜNGREM DEN

TSÜNGREMJI TEMEIM

...*Kechiaser Tsüngrem temeim lir. I Yohan 4:8*

Laishiba nung jangja jangja 'Tsüngrem dakji temeim lir' ta masü, saka 'Tsüngremji temeim' ta shia lir. Nisung dakbo temeim alitsü akok, saka nisungbo temeim masü. Saka Tsüngrembo temeim. Atangji nisungbo temeim masüji temeim ya tatemtsü (condition) yur agütsür mesüra bushir. Saka Tsüngrem temeim yabo tatemtsü masü, saka Paji oda temeim Tsüngrem. Tsüngremji temeim masü asübo asen temenen jenjang ngua Pai asenok dak laker mesüra samba-a lila. Saka nisung ama tatemtsü mali asünung asenok dak temeimtsü maketyonga Pai odang meimer.

Tanü shingaia naji memeimer ta bilemer asü? Mesüra nai ne sasa ne dak tezü danger takümji kecha tetezü makai alir asü? Tsüngremji temeim Tsüngrem, Pai ne tashi mait mesüra tesüiba tamakoktem nung masü, saka ne tarutsü jenjang asoshi bilema na ajungkettsü bushir. Tsüngrem temeimbo guarantee lir, aser Pai na kodanga maak mesüdaktsütsü.

SARASADEM

Kodaker Tsüngrem, na temeim Tsüngrem ta angazüker, nai kü mokokmin nung merangloki ni ama temenen nisung dak meim nung ne nung asanger. Amen.

Cuba nunger pastor ka küm 10 tashi tepuokdak ayutsü

October 30, 2021: Cuba longkak aitba mapang nunger Protestant pastor ka tamangba yimsü lenirtem aser anema ken o benokba sülen longkak aiteritem aika pua ken o mangadangi tesüiba ita liasü. Linük tesem ajungalen asem tashi tepuokdak lir, aser longkak aitba mapang nung pastor tem aser longkak ayutsüa akok; iba dak alia aiteritem aika dak azük aser Baptist pastor ana dang sorkar aika apu.

Cuba nung Pastor tem aika agira tepuokdak ayutsü, ta apuba sülen USCIRF densema amokmerenogo. religious freedom telok balalai putirtem chiokang, ta takhangba agütsüdar.

October 22, 2021 nisung kari Maridelegris Carballo dang, sorkari nü kinüngbu, Lorenzo Rosales Fajardo Matanzas nung aliba Berean (pastor) küm 10 tashi Baptist Mission nungi pastor tepuokdak ayutsü atema ana- Yeremi Blanco Ramírez aser Yarian Sierra nata pua inyakdar, ta metetdakja liasü. liasü; tena ya William Carey Biblical Seminary nung tesayurtem lir. Rev. Ramírez aser Sierra na tetsürtem indang jail ka nung puok, ta UK nung amenoka aliba Christian Solidarity Worldwide (CSW)-i metetdaksü.

July 11 nü longkak aitba sentong nung shilem agiba atema Cuba State Security-i Palma Soriano nung aliba Arogo nung pastor, Lorenzo Rosales Fajardo pua liasü, aser tang pa Boniato Maximum Security jail nung lir.

Khristan putir, Castor José Cuba linük nung Álvarez Devesa dak-a azükba rongsenkettsüng aser wara sülen Camagüey nung aliba dak sendakba nung linük Montecarlo jail ka nung puoka tesem ajungalen nüburtemi liasü saka tangbo chiokogo.

OLONG PAITEP # 5982

1			2		3		4		5	
6		7								
					8					
9				10						
						11				
			12							13
	14							15		
					16					
			17							
								18		
19										

- | | | | |
|---|--|--------------------------------------|--|
| TIPILEN | | LANGTSÜNGLEN | |
| 2. Teburtemi tejak nung awaba - (8) | | 1. Temejangdak - (6) | |
| 6. T _ _ _ em - (3) | | 3. Nisung ka mapa inyaksü nübo - (4) | |
| 8. Tzük ayudak - (3) | | 4. Azüntsü asoshi mejemba - (6) | |
| 9. Nüngdakba dang timba - (6) | | 5. Tesangwa agütsüba - (5) | |
| 11. Züina ao - (4) | | 7. Tila masü - (4) | |
| 12. Yangi tzü angur - (5) | | 10. Tebenjem tetsür chanu - (4) | |
| 14. Tangar dang nungi tali - (4) | | 11. Tekolak nung inok - (4) | |
| 16. Senyong masü - (6) | | 12. Tetsüngda - (6) | |
| 17. Oadokdi - (3) | | 13. Tangar inyakba ka inyak - (6) | |
| 18. Tzü tarok - (3) | | 14. Tim masü ta ashi - (5) | |
| 19. Yimtaklir aikati iba ya ki den külemi yanglusemer - (8) | | 15. Asalendong - (4) | |
| | | 16. Tanü dangtsü - (4) | |

OLONG PAITEP # 5981 TELANGZÜBA

- | | |
|---------------------------------------|--------------------------------------|
| TIPILEN : | LANGTSÜNGLEN : |
| 1. Telok, 4. Aluru, 6. Ozüng, 8. Emk, | 1. Tenükjang, 2. Luden, 3. Kloktsü, |
| 9. Kin, 10. Teti, 12. Süir, 13. Jen, | 5. Lenti, 7. Tajangzük, 11. Teronem, |
| 14. Ola, 16. Talak, 17. Mazük. | 12. Sempa, 13. Jahaz. |

KOMA SÜLA TELANGZÜBA

Q. Naga nunger yimten tebilemtsü ken o ya India-i, Naga nunger tanga teloktem yutsür, NNPGs telok den dang latet nunga koma süla ?

NNPG den dang asüyongjia India kapok mesüi naga nunger sasa yimsü süa litetsüsa agizüktet nungbo Naga nunger asoshi aji teperi aser iba nungjibo shinga telokia magili ta meshitetsü Saka dang aliba amai India kapoksa lia aotsü renem nungbo tanüngba Naga nunger teloktemi aji magizüktetsü aser iba jagi tatembang mesütetsü ta nibo belemer.

- WhatsApp

NAI-A YA METETTER MA

Assam kübok Mayong yimtsüng nung arasenba mapa (black magic) bulua benshir. Iba yimtsüng nungja 'India's Black Magic Capital' ta jatetja lir aser angazükba agi, nisunga shiruru kümdaktsütsü tashi ain aketba/ amshiba arasentsür (wizard) tem lir. Angazükba agi timtema alirtem aser mopungsem tamajung agi pur alirtem taneptsü bushia Mayong yimdaki arur. Ajidang masü, sobaliba ka ama Mayong yimdak mapang shia külem-kujaba sentong tem ayonga agir.

TANÜBO NAI LANGZÜANG

Q. Shibai 'YouWeCan' foundation ngutet?
 A. Sachin Tendulkar B. MS Dhoni
 C. Yuvaraj Singh D. Virat Kohli

===== (Taruba adok nung onoki langzüsü)

YASHI ADOK TELANGZÜBA : 22 Oct.

AO OSHI ANGAZÜKDAK:

TANÜ ANGAZÜKTSÜBA OJANG



Len
 (n) lenmang (path)
 * Tsüngremi anogo shia asenok **len** anir.

Lenchi
 (v) Tarurtem matongdang len tom nung parnok yaritsü aoba (go to meet and help people who are coming before reaching their destination)
 *Bendang lima nungi arurtem **lenchii** lanurtem yok.

Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Tepela Tasoba Anogo

1. Tenüng :

2. Tasoba anogo:

3. Küm : 4. Class :

5. School :

6. Talidak :

7. Salem osang :

SUDOKU # 6023 TELANGZÜBA # 6022

4		7	6	3	2					7	3	4	5	2	1	9	6	8
6	1	8		7	9		3	4		2	8	6	9	3	7	4	5	1
		3	2		4	1		6		9	5	1	8	4	6	7	3	2
				3	8			1		6	9	3	1	8	4	5	2	7
					4	8	5	3		1	7	5	2	6	9	8	4	3
8	4		1		7					8	4	2	3	7	5	1	9	6
		2			5					3	1	9	6	5	8	2	7	4
			4					7	1	4	6	8	7	9	2	3	1	5
			5	4	9	8	3	6	2	5	2	7	4	1	3	6	8	9

OJANG LUTEP # 5569

- MABAAMNGYI :
- NDENBEBE :
- ENJRONGSI :
- NGAKODA :
- RATEJANGMA :
- SÜMAGIT :
- AJIBI :
- LUNRÜRG :
- NDE :
- KUSA :

OJANG LUTEP TELANGZÜBA # 5568

ASÜKÜM SHISATSÜ AGI MASÜ ALIMA MEIMBA LENNIR AMA NÜBUR TENZÜKANG

TAN HOPTA ATEMA - KOMA SÜLA ?

Q. Tazünger maliba aser tazüngerterem aliyonga tazüngerterem dang nungi tesayurtemang teimba aliba government school-tembo ajak shibang nunga koma süla ?



Rome, October 30, 2021: Honibarnü Italy nung alir India nungertemi Ato kilonser, Narendra Modi agizükba noksa nung angur.

PM Modi-i Pope nem taribi agi yangluba milen den kaket ka agütsü

New Delhi/Vatican, October 30 (Agencies): Honibarnü Vatican nung Ato kilonser, Narendra Modi-i Pope Francis ajuru aser tenati coronavirus wara, sensak tia anema raratsü aser climate change tebilemtsü onük densema tongtibang onük aika nung o lemtepogo.

Tang mezüing India Ato kilonser Modi aser Pope Francis na ajurua senden amen aser tesüiba kum tsüingda tang mezüing India Ato kilonser ka aser Pope ka na ajurutep.

Modi-i Pope Francis nem

taribi agi yangluba milen ka aser kaket ka (The Climate Clim: India's strategy, actions and achievements on the commitment to the environment) sempet agütsü.

Pope-ia Modi nem yongmen yin agi yangluba 'plaque' ka agütsü; iba nungji "The desert will become a garden" ta zülua lir. Iba dak alia Pope-i Modi nem World Day of Peace nü pai jembiba onük aser Human Fraternity document agütsü; 2019 kum February 4 nü Abu Dhabi nung sign asüba

document nungji Pope aser Grand Imam of Al-Azhar nati sign süa lir.

Modi-isa Pope dang tekaraba nung India semdangang, ta jaoka liasü.

Ato kilonser, Modi-isa Secretary of State, Vatican City State Cardinal Pietro Parolin-a ajuru. Modi den National Security Advisor, Ajit Doval aser External Affairs Minister, S Jaishankar nata liasü. Pope Francis den senden tembangba sülen Modi Group of 20 (G20) Summit nung adentsü atema ao

Osettsüset aser totzü jenjang atuba atema Mamata-i BJP aitsü

Panaji, October 30 (Agencies): Linük nung osettsüset ajak nung jenjang kanga atuba atema BJP aija Honibarnü Trinamool Congress (TMC) tongti, Mamata Banerjee-i, parnoki 'tajung anogotem' bener arutsütsü melen linük ang raksatsür, ta ashi.

Mamata-i, "Osettsüset jenjang kanga atur. LPG, diesel aser petrol jenjang kanga atur. GST ajanga shishilembaba raksatsüogo, exports ajema kumogo saka item tebilemtsü onük bentettsü atema BJP-i nendaka meinyaker. Parnoki 'tajung anogotem' bener arutsütsü ta jembiba, saka iba linük ang raksatsür," ta ashi.

Honibarnü West Bengal chief minister, Mamata-i Goa Forward Party nung Vijai Sardesai ajurua anema longjemmer raratsü atema

jembio. Tena senden tembangba sülen lai, "Longjemmer BJP anema raratsü atema künati jembio, anungji iba telemtetbaji parnoki (GFP) agitsü. Onoki vote melemsaner, anungji BJP anema raratsü atema regional party tem longjemmer," ta metetdaksü.

Congress aija Mamata Banerjee-i, Congress-i yimtenren ya süoki ia magir, anungji Ato kilonser, Narendra Modi ano tashi taitba akümtsü, ta ashi.

Goa yimtiba, Panaji nung osangbenertem den jembidang lai, Congress tashi maitba ajanga tang linük timtemer, ta ashi.

"Congress-i telemtetbatem magiteter. Parnoki yimtenren ya süoki ia magir, anungji tang ni ajakbo mashiitsü. Congress

ajanga Modi ano tashi taitba akümtsü. Telemtetba magitetera kechiba ibaji ajanga linük timtemdaksütsü?" ta lai ashi.

"Taoba mapang parnoki (Congress) maongka ngua liasü. BJP anema raratsü melen parnoki ozü state nung ni anema dang toktep," ta lai ashi.

Mamata-i aniba TMC-i sangkum Goa Assembly election nung menden ajak (40) nungi tokteptsü, ta sangdongogo, aser tang lai anogo ishika atema Goa semdang.

Assembly menden 40 aliba state nung tang BJP MLA 17 lir aser Maharashtrawadi Gomantak Party (MGP), Goa Forward Party (GFP) aser independent MLA temi sorkar pusemer. GFP aser MGP

parnong nungi MLA asemsem lir House nung Congress, MLA 15 lir.



Trichy (Tamil Nadu), October 30, 2021: Centre sorkar dang aluyimba ozüing tasen asem agienang, ta takhangba agüja Trichy nung aluyimertemi tanü agi (October 30) anogo 19buba lumia longkak aitba noksa nung angur.

2024 kum Congress-i aniba teloktepi sorkar akümtsü: Sanjay Raut

Pune, October 30 (Agencies): Honibarnü Shiv Sena MP, Sanjay Raut-i, 2024 kum Centre nung tongti party ji Congress ser teloktep party temi sorkar akümtsü, aser ibaji party kati yimsüsüba sorkar tembanger asütsü, ta ashi.

Pune nung JS Karandikar memorial lecture sentong nung jembiba sülen osangbenertem den jembidang Raut-i, "Congress medeni sorkar mekümtettsü, kechiyong Congress ya tongti party ka aser linük nung tera junga yanga aliba party ka lir. Ibaji dang masü saka Congress ya tongti opposition party lir. Tangartemji regional party tem dang lir," ta ashi.

Yimtenren nung mongin, Prashant Kishor-i, BJP-i ano kum aika yimsüsütsü, ta jembiba dak sendakba nung tasüingdangba ka langzüdang Raut-i, BJP ji India nunger


yimtenren nung maneni alitsü saka opposition party ka dang asütsü, ta ashi.

"BJP-i parnok ya alima nung party tulutiba ta jembir. Alima nung party tulutiba jagi elections nung tamakok ngura opposition party dang akümtsü. Tatishitsü agi Maharashtra nung BJP ya tongti opposition party lir aser par MLA 105 lir," ta pai ashi.

Tamalen BJP aser Shiv Sena na loktepa liasü saka teloktep raksaba sülen tangbo Maharashtra nung Shiv Sena, NCP aser Congress teloktep sorkar lir.

Uttar Pradesh nung assembly elections agitsü aliba dak sendakba nung Raut-i, "Tangbo onoki Dadra, Nagar Haveli aser Goa nung ang rangloker inyaker. UP elections atema ano mapang lir. UP nung ozü party ya tilaka dang, saka onoki tokteptsü," ta metetdaksü.

Taoba mapang Minister aser Congress lenir, G.S. Bali süogo



Shimla, October 30 (Agencies): Congress lenir aser taoba mapang minister G.S. Bali, Hokolbar ayaterm nung AIIMS, New Delhi monga lia süogo; pa arrshi kum 67 liasü.

Kangra district nungi nungtugu yimten lenir, Bali-i pa kinüngtsü den jabaso, Raghuvir Singh Bali aser jala ana toktsür pilar. Raghuvir Singh Bali ya tang AICC secretary inyaker.

Himachal kübok Nagrota Bagwan nungi pezüben tashi MLA, Bali ya Virbhadra Singh-i aniba sorkar nunga anaben tashi Cabinet minister inyaker aser transport, tourism, food & civil supplies aser technical education ministry nunga inyaka liasü.

Pa mapang talangka shiranga liasü aser pa asüba osangji par jabaso, Raghuvir Singh Bali-i social media ajanga prokshia liasü.

Bali asüba ya Congress atema takoksa tulu, kechiyong pa ajanga Kangra nung party tashi itta liasü. Pai party atema dang masü saka loktiliba ajungkettsü aser sensakertem jenjang ajungkettsütsü atema kanga meranga inyakogo.

Congress sorkar aliba mapang pa leniba nung mapa mangur lanurtem nem allowance agütsütsü aser card holders ajak nem subsidised ration agütsütsü atema scheme tenzüka liasü.

2012 kum Congress-i election manifesto nung mapa mangur lanurtem nem allowance agütsütsü nangzük, saka party-i nangzükba ama meinyakba sülen pai Chief Minister dang iba tenangzükba mapa kuma meinyakra pai minister menden toktsütsü ta amokmerena liasü.

Bali ya 1954 kum July 27 nü Kangra nung aso. Pai 1998, 2003, 2007 aser 2012 assembly elections nung takok angu saka 2017 kum election nungbo vote ishika agi tamakok angu.

Pai Himachal Nagrik Sudhar Sabha tentet aser lokti aika nung tongti lenir liasü.

Pa asüba mangyima Chief Minister Jai Ram Thakur-i, "Pa ya temelungjang nung aliba ajak rakpoka jembiba lenir ka liasü; Congress atema süaka tanga onük atema süaka pai kecha marendaki jembiba. Linük nung tongti lenirtem den pai tesendaktep tajung ayu aser state nunga party balala süaka pai ajak den tesendaktep junga ayu. Pa asüba ya state atema takoksa tulu, kechiyong state terenlok atema pa dak mangdang tejangja liasü," ta metetdaksü.

Congress legislature party lenir, Mukesh Agnihotri-i, taoba mapang Chief Minister, Virbhadra Singh asüba sülen tang Bali asüba ya party atema takoksa tulu, ta metetdaksü.



US Food and Drug Administration-i Hokolbarnü, tanur arishi küm 5 nungi 11 tsüngda alirtem nem Pfizer indang coronavirus vaccine agütsütemelaba agütsüogo, koba United States nung tanurtem nem agütsütemelaba agütsüba vaccine mezüngbuba asütsü.

Taliban-i shimba envoys nem Pak-i temelaba agütsü

Islamabad, Mongputeni/October 30 (Agencies): Taliban sorkari shimba diplomats tem nem Pakistan nung Afghan embassy aser consulates mapa abentsü atema Pakistan-i temelaba agütsüogo, ta Dawn sangdong ka ajanga Honibarnü metetdaksü.

Osang ajangsa Sardar Muhammad Shokaib-i, Islamabad kübok Afghan embassy nung first secretary mapa agizükogo. Hafiz Mohibullah, Mullah Ghulam Rasool aser Mullah Muhammad Abbas nungeri Peshawar, Quetta aser Karachi nung consulate tem mapa agizükogo.

Linüki Taliba ya Afghanistan nung ozüng dak ajemdaker tentetba sorkar ta magizüki aliba

mapang ka nung diplomats tem nem visa agütsütemelaba Pakistan sorkari telemtetba agiogo.

Sardar Muhammad Shokaib ya tang Islamabad nung d'affaires tekolakba lir.

Islamabad nung amenoker aliba Afghan embassy nung July ita nungi ambassador ka inyaksangshi mesüi aruogo. Taoba PM Ashraf Ghani-i aniba sorkar kübok taoba envoy Najibullah Alikhil ya par jala pur aoba ajanga mepetmesü adokba sülen Pakistan toktsür oadok.

Voice of America sangdong ka ajanga ashiba agi, Shokaib ya Zabul province kübok Pashtun nunger lir, shibai southern Kandahar nung information & cultural

department nung tenzükogo aser pa Taliban magazine ka nunga shilem agiogo. Pa Qari Yousaf Ahmadi tenüng amer Taliba otongdar inyaka liasü aser pa Pakistan nung apu. Pa Peshawar nung küm aika lia liasü.

Pakistan-i ashiba agi, Taliba-i shimba envoy tem nem temelaba agütsüba ya administrative ken o ka lir. "Afghan embassy nung staff tasen shimba ya administrative ken o ka lir aser embassy inyaksangshidaksütsü asoshi lir kechiyong Pakistan nung Afghan nunger refugee million aika lir aser visa dak sendakba nunga tenyaksü aika lir," ta Pakistan foreign office otongdar Asim Iftikhar-i ashi.

Lanka tiri essential services employee tem longkak aitba nokdang

Colombo, Mongputeni/October 30 (Agencies): Sri Lanka tir Gotabaya Rajapaksa-i sangdong ka ajanga, essential services dak sendakba nung mapa inyaktertem longkak aittsü memelatsü, ta shiogo. US company ka den energy deal ka yangluba atema trade union temi longkak aittsü amokmerenba sülen iba tetuyuba ya agütsü.

Tetuyuba nung, Sri Lanka Railway Department-i totzü tapu ajak lemshiba aser supply asüba aser Sri Lanka Transport Board for passenger transport kübok aliba public transport services ajak, government administration, insurance services, food services agencies inyakyim aser postal services ajak essential services küboki

aidaksüogo. US agency ka den power sector nung tenangzüktepba ka yangluba anema utility trade unions-i amokmerenba sülen iba tetuyuba agütsü.

Linük nung ruling party den lokteper aliba party züngsemtemi, US nung amendaker aliba New Fortress Energy Inc. den Yugadanavi Power Plant dak sendakba nung tenangzüktepba ka yangluba indang sensak asemstü atema tir dang asüngdangogo.

September ita tatemlen US nung amenoker aliba New Fortress Energy-i, Kerawalapitiya nung amenoktsü aliba 310 MW combined cycle power plant ka aser ano 700 MW plant ka

ajanga anogo ka nung liquefied natural gas gallon million 1.2 state meyong Ceylon Electricity Board (CEB) nem agütsütsü tenangzüktepba ka yangluogo, ta ashi.

Iba dak sendakba nung petroleum trade union temi ashiba agi, US company ka den liquefied natural gas (LNG) dak sendakba nung tenangzüktepba yangluba ajanga linük million noklang aika takoksa ajurutsü, koba USD billion 6 shi alang asütsü.

Kasa mapang nung cabinet nung minister anatia iba tenangzüktepba nokdangtsü ta shiogo. Parnokisa, ano tenangzüktepba ana yanglutsü aliba dena nokdangtsü nangzükogo.

US-i Afghan nunger nem teyari USD million 144 agütsütsü Washington, Mongputeni/October 30 (Agencies): Secretary of State Antony Blinken-i, Afghanistan nunger nem humanitarian teyari USD million 144 agütsütsü sangdongogo.

Tang teyari agütsütsü sangdongba densema US-i Afghanistan nem 2021 küm USD million 474 agütsür asütsü, koba linük ajak dang nungi timba lir, ta Blinken-i ashi.

Afghanistan kidangertemi mapang talangka Afgha nunger refugee tem nem teyari agütsüba atema US tenüng nung Blinken-i parnok nem tenüngsang agütsüba den maneni teküzmükba bushia aruba Afghan nungertem atema parnok arrtsü lapoka toktsütsü ayongzük.

Teyari ya United Nations High Commissioner for Refugees (UNHCR), United Nations Children's Fund

(UNICEF), International Organization for Migration (IOM), World Health Organization (WHO), aser international aser non-governmental organizations tem nem kanga junga asdangba sülen agütsütsü.

Iba senotsü ajanga kidanger linüktem nung jenoker aliba Afghan nunger aser linük nung timtem nung aliba Afghan nunger tem nem indang indanga teyari agütsütsü.

Maneni teyari agütsüba ajanga US den sendaktepa aliba lokti tentettemi taküm kümzüktsü atema hadirtem, chiyongtsü, tenüngdakba health care winterization assistance, logistics amala teyari balala agütsütsü.

Iba teyari agütsüba ajanga Taliban masü saka Afghanistan nungertem ajangzüktsü, ta Blinken-isa ashi.

Russia nung nisung 40,251 dak Covid putet



Moscow, Mongputeni/October 30 (Agencies): Europe nung corona tashidak agi tamajungtiba kongshir aliba linük, Russia nung Honibarnü ketdangsürtemi tashidak menatepa aoba nokdangtsü atema tenokdangba kar agütsüogo.

Honibarnü nisung 40,251 dak tashidak putet, koba wara tenzükter tanü tashi nung anogo ka nung nisung timtiba dak tashidak putetba asütsü.

Anogoshia tashidak menaba aser asüba tajemba kümdaksütsü nükjidong nung tir Vladimir Putin-i taoba hopta Honibarnü nungi tenzükta November 7 nü tashi taa agütsür soti agütsütsü sangdonger liasü.

Wara tenzükli mapa tatsüka atema linük nung tenokdangba tesashi agütsüba sülen Russia nung tenokdangba tesashi magütsüi aruogo aser iba melena parnoki tashidak nokdangtsü atema Sputnik V densema kidang yangluba vaccine tem dak tang metaloker aru.

Ita aika vaccine agütsü maangka agüjaka Russia nung nütsünyongsük shilem 32.5

dang vaccine dose anaprongla agir lir, ta sorkar statistics ajanga Honibarnü sayuogo.

Kremlin-i iba hopta ashiba agi, epidemiologists tem news agencies balalai poll agiba sülen holiday mapang Russia nunger asemstü nung ka senzüsenpongtsü sentong aliba ngutetba shisabulua bilemba lemsatepogo.

Linük kübok tesem balala nung tenokdangba agüja aruogo, saka iba hopta nungia Moscow nung tenokdangba tesashi agütsü. Moscow ya Russia nung tashidak menatepa aoba teyongtsü lir aser iba tesem nung non-essential service tem ajak shibangtsüogo.

Russia nunger ketdangsürtemi wara züba agiba atema parnok aitsüogo aser Hokolbarnü statistics agency Rosstat sangdong ka ajanga sorkar indang tally dang nungi tashidak agi nisung anasü agi timba asüba sayuogo.

Rosstat-i ashiba agi, September ita coronavirus tashidak agi nisung 44,265 asü, koba sorkar tally dang nungi anasü shi agi timba lir.



Sudan indang Abdel Fattah al-Burhan-i iba hopta linük sorkar loksatsü atema telemtetba agiba lenla aikai nungi taitsuba aruogo aser longkak aitertemi "no going back is possible" yimyim ayimer.

Mon nung awareness campaign ayongzük

Mon, Mongputeni/October 30, 2021 (TYO): Mission Mode Team (Accessible India Campaign) den Office of State Commissioner for Persons with Disabilities longjemer Honibarnü, Walo Guest House, Mon nung Sensitization aser Awareness Campaign on Rights of Persons with Disabilities (RPwD) Act 2016 sentong ka ayonga agiogo. Iba sentong nung DC Mon, Thavaseelan K, IAS menden liasü, ta sangdong ajanga metetdaksü.

Iba sentong nung, Commissioner & Secretary aser Team Leader Mission Mode Team (AIC), K. Libanthung Lotha-i, 2019 küm February 5 nü Social Welfare Department ajanga Accessible Indian Campaign nung MMT tenzükja liasü ta metetdaksü, kong technical shilem ajak achayangtsü aser asadangshitsü aser Sorkar building aser tanga facility den züngsem pezü tashi tenokdangba kecha mekai inyaksü asoshi Accessible Indian Campaign nung MMT tenzük, ta pai ashi.

Mata mabensar/tangar memenalirtem dang iba campaign mapatong metetta lidaktsütsü, tekümdangtsü sangoktsütsü aser parnok nem maongka tajung agütsütsü nükjidong yur Accessible Indian Campaign ajanga inyaker, ta pai metetdakja liasü.

Rights of People with Disabilities (RPwDs) atema tekümdangtsü osang sangdongtsü asoshi asenok ajaki shilem agitsüla, ta pai sentong nung adenertem ayongzük.

Kasa sentong nung, Advocate, Guwahati High Court, Kohima Branch, Apila Sangtam-i, "Court Directives & Legal Implications of Non-Compliance" indang telok dang metetdaksü. State Commissioner for Persons with Disabilities, Diethono Nakhro-i iba campaign mapa kuma inyaksü aser RPwDs Act 2016 agizüktsü atema telok dang metetpeladaksü.

Iba campaign nung District HoDs, NGOs lennirtem aser Arogo nungi lennirtem aruagi dena liasü. Telok sensaksem sentong ka ayonga agiba sülen, iba campaign tembang, ta kasa sangdong nung shia lir.

District Hospital Longleng nung PSA Oxygen Plant ka lapoktsüogo

Longleng, Mongputeni/October 30, 2021 (TYO): Hokolbarnü (29.10.2021) District Hospital Longleng nung Minister, Health & Family Welfare, S. Pangnyu Phom-i PSA Oxygen Plant lapokja liasü, ta sangdong ajanga metetdaksü.

Iba Plant lapokba sentong nung, Pangnyu-i, Oxygen Plant amenoktsü asoshi maparen takok ngua inyakba atema pai pelaba lemsatap aser Oxygen Plant ya tanü atema dang masü saka tarutsü nunga nübur ajangzüktsü asoshi junga amshitsü, ta pai shisem.

Longleng nung alir nübur atema dang masü, saka Nagaland nung alir nüburtem atema iba Plant amenokba ya tajangzük asütsü, ta pai ashi.

Pangnyu-i, tashidak mesüra shirangba yimya komaka süaka manemertem timi anepalutsüla aser parnok nem teyari shitak agütsütsüla, ta ashi.

Nisung kija shia nem medical facility tajangzük shitak agütsütsü asoshi Ato Kilonser

MULUNGNEN O




16-10-1981 - 22-10-2021

Onoki Teti meima aliba tetangshi, kinungtsü aser ojala **MEYIPOKLA** (Chuchuyimlang) mapang talangka shiranga yaria aruogo, aser Tsüngrem taochi nung arishi talang toktsüogo. La shiranga alitang nungi aser akumli watang tembangba mapang, kiyunger, kija, kibong, lokti aser arogo, kwikati temeim agi moshia leman balala nung yaria arugo, nenok ajak tang pelaba lemsataper. Tsüngremi nenok mapa tajung moajangma.

Asen kibong yenzü toksaogo. Joko kesa malitsü, saka akümlirtema kotang kibubai jater, iba yinzü metenteba akümtsü, akümlir nung onoki na kanga miema liasü, tasü agi pila-a ka, maneni onoki na kangasa menungratsü.

- *Temiem kinungbu, jala, jabaso, tsürapur aser kinungertem.*

MENUNGRA BILEMTETER



ASÜR N. IMTI JAMIR
Tasüba anogo: 31.10.2020

Asen kibuba aser nü jakdang oa atar asen meimbatem den alitsü asoshi onok nungi pilaa or tanü küm ka abensaogo saka onok mulong ayangbabo tanü tashi kasa dang lir. Oda iba soli-süli lima alir meimchir asoshibo asen ajak tajungdak meilungi majurutep tashi yamai dang lia aotsüji tim dang asütsü südi, saka tenangzükba tajung anogoji atongtsü alinung onok idakji anogoshia mulong süngzük angur.

Kinungtsü, Chirnür, Semchirtem aser Temeimbatem.

Narendra Modi nükla lir aser State nung item nüngdakba asadanga aser peridaktsütsü asoshi Government of India, Minister of Health & Family Welfare-i nüngdakba agütsüdar, ta pai ashi.

Pangnyu-i, iba Oxygen Plant indang maparentem (follow up works) engineer aser technician temi inyaksü, ta metetdaksü. Light malidang Oxygen Plant amshitsü atema Disaster Management team-i Unit 6 nem generator agütsüogo, ta pai shisem.

Maneni, Covid-19 vaccination drive maparen dak sendakba nung amalitepa aser junga inyaka aoba atema, Minister Pangnyu-isa, Dr. Meren aser pa den külemi inyaker, staff, CMO, Arogo balala nungi lennirtem aser tangar dang pelaba metetdaksü.

Vaccine magii alirtem dang takaratiba nung Covid-19 ajem agiadoktsü ajungshitsü asoshi pai Medical department ajungshia liasü.

Pangnyu-i, Covid-19 anema

raraba mapatong ano metembang aser iba wara tasemben (3rd wave) adoka nüburtem dak tashidak putetdar, ta pai metetdaksü.

Covid-19 1st aser 2nd wave mapang, nüburtem iba tesashi wara nungi kümzükba ayutsü asoshi bendanga agütsür inyakba atema, pai doctors, nurses, staffs, NGOs aser lokti tentet balala dang pelaba shisem; aser District nung ano iba wara (3rd wave) adoktsüsa tensa ajurura, tali meranga inyaksü asoshi pai ajungshio.

Kasa sentong nung, ADC Longleng, D. Robin; Public Leader, Pukyong Phom aser President, PPC, M. Shami Angh nungeri jembio. Medical Superintendent District Hospital Longleng, Dr. Kibangkumba-i telok pela agizük aser CMO Longleng, Dr. Obangjungla-i tepela anküp o jembi.

Iba sentong tenzükba Executive Secretary PBCA Longleng, Tialemba Phom-i sarasadema liasü, ta kasa sangdong nung shia lir.



MANGMETONG CULTURAL CLUB KOHIMA
SOBALIBA TAMENTAKDAK

SILVER JUBILEE

1996-2021

ANOGO
4th NOV. 2021 (Thursday)

MAPANG
11:00 A.M.

TESENTEPDAK
Regional Centre of Excellence for
Music & Performing Arts.
(RCEMPA), Jotsoma.

TONGTI O JEMBI
Dr. Watijungshi Jamir
Addl. Director (Rtd.) Higher Education
Govt. of Nagaland.

JUBILEE MENDENPURTEM
MENDEN : Wb. K.Wati Tzüdür
TEZULUR : Wt. Lanutola Imchen

SENTONG

Jubilee Tenüngsang aser Tetushi :
Wb. Imnazulu Jamir, Asso. Pastor, KABA

Pela agizükba :
Wb. Panger Imchen
Tir, Mangmetong Cultural Club Kohima

Onoki Bilemteter :
Wt. Asenla Akang

Tayongzükba :
Wb. Wati L. Imchen
Director (Rtd.) Printing & Stationary, Nagaland

Molungnet :
Wb. L. Ayang Imchen
Mezüng Tir, Mangmetong Cultural Club Kohima

Ya Shisadangi :
Wb. Imnameren Imchen
Executive Engineer

Süngküm Atener Lu-i :
Kohima Mangmetonglar Telongjem
Tanir: ketdangpurtem.

Tepela O :
Wb. Samson Tzüdür
Tir, Mangmetong Senso Telongjem Kohima.

Nüngo Kaket Saya :
Wb. Imliakum Imchen
Convenor, Nüngo Kaket Luden.

Tajungshi o :
Wb. Imtiangshi Ao
DIG Prison, Nagaland

Onük : Sobaliba Yimsoshiba
Tejembir : Dr. Watijungshi Jamir

Jubilee Lemtet & Melepzüng O :
Wb. Timothy Imchen
Convenor, Jubilee Planning Committee.

Telok Ken : **Kü Linük Ne Meyong**
(My Country Tis Of Thee)

Tatem Sarasadem : **Telok.**

TEMETETSÜ

* Jubilee tesentepdak ki (RCEMPA HALL) charges Wb. Wt. Imtiakum Imchen-i tenlar.
* Jubilee mong sentong nung adentsü Kohima nung Mangmetong sensosanger, anükapang, MCKK züngsempur Kohima ajanger alirtem ajak pelashishia jaoker.
* Sentong nung adener ajak tapet sobaliba sobutsü nung arutsü mepeshir.
* Sentong temer WAWA-MENÜ Wb. Purneken ajanga sayatsü.
Sentong timser : Mangmetong Students' Union Kohima l/c Kerdangpurtem.
* Sentong takok aser temoatsü asoshi ajaki sarasadema adatsü ayongzük.

Royal Club Kohima-i Raising Day amungtsü

Kohima, Mongputeni/October 30, 2021 (TYO): jembitsü. Ken Keditsu ajanga tir o jembitsü aser Royal Club Kohima-i, Hombar Khrietseituo Liezietsu ajanga general secretary report agütsütsü. Anungji, iba raising day sentong nung züngsem ajak medema aruagi adentsü asoshi sentong ayongertemi mapang DGP K. Kire-i o mepishir.

21BUBA NSF MARTYRS' MEMORIAL TROPHY: Fifa FC aser A Yhome FC na quarter final-i iogo



Kohima, Mongputeni/October 30, 2021: 21buba NSF Martyrs' Memorial Trophy asayamung nung A Yhome FC aser Hurricane Boys tsungda asayaba mapang tangokba noksa ka yangi angur.

Kohima, Mongputeni/October 30, 2021 (TYO): IG Stadium nung tasayadak aliba 21st NSF Martyrs' Memorial Trophy nung, Honibarnü Fifa Football Club aser A Yhome FC nati pei pei tata asaya takok anguba sülen, team anaprongla quarter final tongogo, ta sangdong ka ajanga

metetdaksü. Mezüng match nung, Fifa FC-i All Nagaland Taxi Association (ANTA) madak goal 4-0 agi takok angu. Iba asaya nung, Fifa atema Laishram-i minute 38buba nung mezüng goal inoktsü aser paisa minute 46buba nung goal tanabuba inokja liasü.

Minute ana sülen, Mangkhohao-i goal tasembuba bendenloktsü aser minute 55buba nung Rahish Khan-i team atema goal pezübuba idaktsü.

Kasa asayamung pre-quarter final match tatembangbuba nung, A Yhome FC aser Hurricane FC na asaya liasü, kong Yhome FC-i goal 2-1 agi Hurricane FC tsükdaksü. Iba asaya nung, A Yhome atema Noulevituo-i minute 12buba aser 41buba nung goal ka ka inoktsü aser Hurricane atema Abei-i minute 54buba nung goal ka idakja liasü.

Maneni, iba asayamung tayonger - Angami Students' Union-i, November 01, 2021 (Hombar) nungi tenzüka quarter final match ajak aonung asaysü, ta metetdaksü.

Deobarnü (31.10.2021) Exhibition Match yamai alitsü:
1. ASU XI vs NSF XI @ 1:00 PM
2. Seniors FC vs AYO

Kezhaseluo-o Pienyü-i 'Dapfhütsumia Wrestling Heat' kokogo

Kohima, Mongputeni/October 30, 2021 (TYO): D Khel Ground, Seikhezou kübok Kohima Village indang Dapfhütsumia Youth Organisation (DYO) ajanga ayongba 'Dapfhütsumia Wrestling Heat 2021' asayamung nung Kezhaseluo-o Pienyü-i taoba mapang Naga wrestling champion, Menuoseituo Yiese madak takok angu, ta sangdong ajanga metetdaksü.

Iba asayamung final nung, wrestler anaprongla kanga meranga toktepa liasü, kong Pienyü-i mezüng bout nung Yiese makok, saka tanabuba bout nung pai Yiese madak takok angu.

Tasembuba bout nung wrestler anaprongla kasa yimya nung toktepa asaya aser wrestler kati danga asaya amokbanger

asayatsü maongka mangu, saka minute 10 dak tema khen danga melao, indang indanga noktaker asayaba yong Pienyü-i iba bout kokteta asaya.

Arishi küm 23 tain Kezhaseluo-o Pienyü, shiba temang touzük seret 130 shi asütsü. Pienyü ya asür Thepfusanyü Pienyü'er jabaso lir. Ano külen, Yiese temang touzük seret 135 shi asütsü aser pa ya asür Khrielatuo Yiese'er jabaso lir. Pai 2018 Nagaland Wrestling Association takok ngua liasü.

Iba asayamung nung, Dapfhütsumia council chairman, Pele Khezhie tongti tesemdanger ama aruagi denogo.

Khezhie-i saipongertem dang saisapong sempet shitak amshitsü aser tasa tasen

bendenloka tajungtiba nung asayatsü asoshi ajungshia liasü.

Kasa sentong nung, aruya aliba KVSA sports meet atema Khezhie-isa D Khel sports uniform sayaogo.

D Khel indang Head GB, Kitsuwahelie Khezhie-i iba sentong nung shilem agirtem moatsüogo. Iba sentong nung, DYO president Vituonyü Khezhie menden liasü aser iba championship tenzüka Assistant Pastor, CRC Tsiepfhütsiepfhe Keviu Khezhie-i sarasademtsü. Kasa sentong nung 'Truism' tetsür telok kati ken ka aten aser DYO games & sports cum wrestling secretary Sedeviso Keretsü-i wrestler tem tenangzüktep ketdangsüa agi, ta kasa sangdong nung shia lir.

Ketholelie Nisa-i 2buba Kohima Chess Championship kokogo



Kohima, Mongputeni/October 30, 2021: NDPP Kohima region president Avio Tetso den 2buba Kohima District Chess Championship asayamung nung takok angurtem külemi tangokba noksa ka yangi angur.

Kohima, Mongputeni/October 30, 2021 (TYO): CANSSEA Building kübok Kohima District Chess Association (KDCA) ajanga anogo asem tashi ayongba '2nd Kohima District Chess Championship', Honibarnü tembangogo. Iba championship nung Ketholelie Nisa-i takok nguogo, ta sangdong ajanga metetdaksü.

Open Category nung, Ketholelie Nisa-i point trok ngua iba Championship title koktet. Kasa category tetoktepa nung, Vimhazo Tsiikrii, Khrielie Sano aser Thepfuchalie Mere nungeri 2buba, 3buba aser 4buba jenjang ajangzükta liasü.

Kezhawhelie Rüpreo, Seyiekhrietuo Mere, Sede Nagi, Ruopfuville Nagi, Avituo Nagi aser Kevisilie Lohe nunger

jenjang 5buba nungi 10buba nung tembang.

Under-14 category nung, Neipedezo Metha-i mezüngbuba jenjang tongtet. Kasa tetoktepa nung, Arho Rüpreo, Thejasezo Metha aser Thejavito Puro nungeri 2buba, 3buba aser 4buba jenjang ajangzükta.

Kohima Chess Championship shibangba sentong nung, Nationalist Democratic Progressive Party (NDPP) Kohima Region president Avio Tetso tetushi tesemdanger ama aruagi denogo aser pai takok angur nem sempet agütsü.

Iba sentong nung KDCA publicity & information secretary Kevisilie Lohe menden liasü aser vice president Khriesamhalie Rüpreo-i tepela anküp o jembi.

Kohima District Table Tennis Championship tembangogo



Kohima, Mongputeni/October 30, 2021: Indoor Stadium Kohima nung 10buba Kohima District Table Tennis Championship aser Catch Them Young Tournament indang ketdangsürtem aser takok angurtem külemi tangokba noksa ka yangi angur.

Kohima, Mongputeni/October 30, 2021 (TYO): Indoor TT Stadium, Kohima nung Kohima District Table Tennis Association (KDTTA) ajanga ayongba 10th Kohima District Table Tennis Championship aser Catch Them Young Tournament Honibarnü tembangogo, ta sangdong ajanga metetdaksü.

Iba asayamung men's, women's aser youth boys' singles category nung Meyinukshi Longkumer, Thejavinuo aser Thinem nungeri takok angu.

Anogo ana tashi ayongba asayamung, koba Hokolbarnü (29.10.2021) tenzü, iba asayamung ya Directorate of Youth Resources & Sports, Nagaland ajanga nungitta liasü.

Iba asayamung shibangba sentong nung, District Sports Officer Kohima, Zephoi Zecho-i, iba saisapong renloktsü aser tejakleni aotsü atema tsüraburtemi pei chirnurtem kanga nungita yaritsü nungdaker, ta ashi.

Iba Championship indang category balala nung takok angurtem yamai alitsü:

- * Men's Single: 1st - Meyinukshi Longkumer & 2nd - Seyieville Seyie
- * Women's Single: 1st - Thejavinuo & 2nd - Zelhoueinuo
- * Youth Boys Singles: 1st - Thinem & 2nd - Ketuoravi
- * Mixed Doubles: 1st - James Liezietsu & Ruokuolhouuo Rame; 2nd - Seyieville Seyie

- & Thejavinuo Rio
 - * Girls Single (Catch Them Young): 1st - Kesinuo, 2nd - Pekrusenuo & 3rd - Letsonuo
 - * Boys Single (Catch Them Young): 1st - Vilavotuo, 2nd - Kethosetuo & 3rd - Mhavis
 - * Veteran Single: 1st - Kevirielie Dzüvichü & 2nd - Vikuo Metha
 - * Men's Doubles: 1st - James Liezietsu & Kevirielie Dzüvichü; 2nd - Kevilevor Metha & Dziesevituo Metha
- Maneni, iba asayamung nung Mhasivi nem 'most promising player' award agütsü. Table Tennis wadang nung bendanga agüja inyakba aser iba game nungitba atema KDTTA president, Vikuo Metha nem tetushi agütsüogo, ta kasa sangdong nung shia lir.

Zunheboto nung 'Catch Them Young' asayamung tenzükogo

Zunheboto, Mongputeni/October 30, 2021 (TYO): Honibarnü, Local Ground, Zunheboto nung District level 'Under/14, Catch Them Young' asayamung tenzükogo. Iba asayamung lapokba sentong nung Deputy Commissioner Zunheboto, Peter Lichamo alakteta tejaoker ama dena liasü, ta sangdong ajanga metetdaksü.

DSO/YRO Zunheboto, Atoli Yeptho-i, iba asayamung nung school trok nungi shilem agir 250 agi 100 & 800 meters race, Shotgun, High jump aser Long Jump den Badminton aser Table Tennis nung tokteptsü, ta metetdaksü.

Yeptho-isa, district level nung takok angurtem district tenüng nungi State Level tournament nung shilem agitsü asoshi shimtsü. State level asayamung ya November ita Kohima nung asayatsü, ta ashi.

Deputy Commissioner-i, tetoktepa, takok anguba aser

shimba nung dang rangloker masayatsüla, saka chichiba saisaponger ka ama ajemalua iba asayamung nung shilem agitsü kanga dang tongtibang, ta ashi.

Ajakibo takok mangutsü akok, saka chichiba saisaponger ka ama tangatetba tajung aser temulung temerük agi shilem agira, ajak takoker ka ama züngshitsü, ta pai shisem.

Iba asayamung lapokba sentong nung, DSO/YRO Zunheboto, Atoli Yeptho menden liasü. Kivilu K. Kiba ajanga shilem agirtem tenangzüktep achaayanga agiogo.

Zunheboto nung Catch Them Young asayamung ya Department of Youth Resources & Sports den Zunheboto District Badminton Association, Zunheboto District Table Tennis Association aser Zunheboto District Athletics Association longjemer ayongzükter, ta kasa sangdong nung shia lir.

BILEMDANGANG

"Anepong sarasademji ajak dang tematiba tenla."